



Broj: 01-III-114/18
Sarajevo, 27.03.2018. godine

UDRUŽENJE POSLODAVACA FBiH
n/r g-din Adnan Smailbegović

PREDMET: Upozorenje

Poštovani,

Dana 26.03.2018. godine putem Ekonomsko-socijalnog vijeća za teritoriju FBiH zaprimili smo Odgovor iz Ureda premijera broj: 01-02-1042-110/17 od 21.03.2018. godine, koji vam dostavljamo u prilogu, u kojem, između ostalog, stoji da prema važećem Zakonu o radu pitanje utvrđivanja minimalne plaće nije u nadležnosti Vlade Federacije BiH, nego sindikata i poslodavaca. S obzirom na najnovija dešavanja oko raskidanja Općeg kolektivnog ugovora za teritoriju FBiH od strane Udruženja poslodavaca FBiH, te činjenicu da izmjene i dopune Zakona o radu još uvijek nisu usvojene kao i da je njegovo usvajanje potpuno neizvjesno, smatramo da je Udruženje poslodavaca najveći krivac za nepostojanje najniže plaće, a koju shodno odredbama važećeg Zakona o radu utvrđuju sindikat i poslodavci. Polazeći od činjenice da se trenutno ne zna kolika je najniža plata u Federaciji BiH te da se ne zna koji je to iznos minimalne plaće na osnovu koje je poslodavac obavezan uplatiti doprinose, sasvim smo sigurni da će zbog ovakvog, prvenstveno vašeg odnosa, penzioni sistem imati nesagledive štete čime će se dovesti u pitanje isplate penzija trenutnim ali i budućim penzionerima. Podsjećamo Vas da je Konvencijom o minimalnoj plati utvrđena obaveza svake države koja ratifikuje ovu Konvenciju da osigura sistem minimalne plate, što je u konkretnom slučaju, a cijeneći novonastalu situaciju izostalo bez ikakvog opravdanja. Također, bitno je napomenuti da je Općim kolektivnim ugovorom propisano šta obavezno mora sadržavati granski kolektivni ugovor, pa se nepostojanjem Općeg kolektivnog ugovora dovode u pitanje i granski kolektivni ugovori koji se u svojim preambulama pozivaju na Opći kolektivni ugovor.

Zbog svega gore navedenog, ovim putem Vas upozoravam da zbog nepostojanja Općeg kolektivnog ugovora može doći do nesagledivih posljedica kako po pitanju prava radnika tako i po pitanju eventualnog ekonomskog napretka Federacije BiH kojem svi težimo.

Iskreno se nadamo da ćete ovo upozorenje shvatiti krajnje dobronamjerno i da ćete ovom problemu pristupiti profesionalno sa namjerom da se riješi na višestranu zadovoljstvo.

S poštovanjem,

Prilog: Kao u tekstu

Dostavljeno:

- naslovu
- a/a



PREDSJEDNIK
mr. Ismet Bajramović